

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i tačke 1. Zaključka Vlade Kantona Sarajevo broj 02-04-51323-71/22 od 29.12.2022. godine, Vlada Kantona Sarajevo, na 120. sjednici održanoj 16.03.2023. godine, donijela je

**ODLUKU**  
**O DAVANJU SAGLASNOSTI O POPUNI RADNIH**  
**MJESTA NA NEODREĐENO VRIJEME U**  
**KANTONALNOJ JAVNOJ USTANOVI DOM ZA DJECU**  
**BEZ RODITELJSKOG STARANJA**

I

Daje se saglasnost Kantonalnoj javnoj ustanovi Dom za djecu bez roditeljskog staranja za popunu upražnjenih radnih mjesta na neodređeno vrijeme, u skladu sa Uredbom o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21 i 10/22) (u daljem tekstu: Uredba), i to:

1. stručni saradnik - školski odgajatelj (VSS) - tri (3) izvršioca,
2. stručni saradnik za finansijsko knjigovodstvo (VSS) - jedan (1) izvršilac,
3. kuhar (KV) - jedan (1) izvršilac.

II

Kantonalna javna ustanova Dom za djecu bez roditeljskog staranja ne može povećati broj zaposlenih u odnosu na stanje na dan 31.12.2022. godine dok je na snazi Odluka o privremenom finansiranju potreba Kantona Sarajevo za period od 01.01. do 31.03.2023. godine, broj 01-04-51519/22 od 28.12.2022. godine, a po usvajanju Budžeta Kantona Sarajevo za 2023. godinu broj zaposlenih mora biti u okviru odobrenog broja i sredstava za bruto plaće i naknade, na poziciji javne ustanove.

III

Za realizaciju ove odluke zadužuju se Ministarstvo za rad, socijalnu politiku, raseljena lica i izbjeglice Kantona Sarajevo i Kantonalna javna ustanova Dom za djecu bez roditeljskog staranja, svako u okviru svoje nadležnosti.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-6666-12/23      Vršiteljica dužnosti premijera  
16. marta 2023. godine      Ministrica  
Sarajevo      **Darja Softić Kadenić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 13. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22) Vlada Kantona Sarajevo, na 120. sjednici održanoj 16.03.2023. godine, donijela je

**ODLUKU**  
**O VISINI KOEFICIJENTA ZA OBRAČUN PROSJEČNE**  
**NETO PLAĆE OSTVARENE U KANTONU SARAJEVO**  
**U 2022. GODINI**

I

(Osnovna odredba)

Ovom odlukom se utvrđuje visina koeficijenta za obračun prosječne neto plaće ostvarene u Kantonu Sarajevo u 2022.

godini, koja služi kao osnov za utvrđivanje novčanih i drugih materijalnih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22) (u daljem tekstu: Zakon).

II

(Visina prosječne neto plaće)

Prosječna neto plaća ostvarena u Kantonu Sarajevo u 2022. godini objavljena u Saopćenju o prosječnoj isplaćenju mjesečnoj neto plaći zaposlenih u Kantonu Sarajevo za 2022. godinu ("Službene novine Kantona Sarajevo", broj 9/23) iznosi 1.390,00 KM (u daljem tekstu: prosječna neto plaća).

III

(Visina koeficijenta)

Visina koeficijenta iz tačke I ove odluke iznosi 0,5396, a što je 53,96% od prosječne neto plaće.

IV

(Osnov za obračun)

Osnov za obračun novčanih i drugih materijalnih davanja po članu 13. Zakona je prosječna neto plaća pomnožena sa koeficijentom iz tačke III ove odluke i iznosi 750,00 KM.

V

(Prestanak važenja ranijeg propisa)

Stupanjem na snagu ove odluke stavlja se van snage Odluka o visini koeficijenta za obračun prosječne neto plaće ostvarene u Kantonu Sarajevo u 2021. godini ("Službene novine Kantona Sarajevo", broj 12/22).

VI

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.03.2023. godine.

Broj 02-04-6666-21/23      Vršiteljica dužnosti premijera  
16. marta 2023. godine      Ministrica  
Sarajevo      **Darja Softić Kadenić, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14) i člana 52. stav (1) tačka 2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 120. sjednici održanoj 16.03.2023. godine, donijela je

**ODLUKU**

**O DAVANJU SAGLASNOSTI NA PRAVILNIK O**  
**IZMJENAMA I DOPUNAMA PRAVILNIKA O**  
**UNUTRAŠNJOJ ORGANIZACIJI MINISTARSTVA**  
**SAOBRAČAJA KANTONA SARAJEVO**

I

Daje se saglasnost na Pravilnik o izmjenama i dopunama Pravilnika o unutrašnjoj organizaciji Ministarstva saobraćaja Kantona Sarajevo broj 04-11-1818/23 od 14.02.2023. godine.

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-6666-22/23      Vršiteljica dužnosti premijera  
16. marta 2023. godine      Ministrica  
Sarajevo      **Darja Softić Kadenić, s. r.**